



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

08-01-7076
KANTON SARAJEVO

Broj: 01-04-1576-1/23
Sarajevo, 05.01.2024. godine

SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničku inicijativu, dostavlja se.-

VEZA: Vaš akt broj: 01-04-39-45/23 od 20.12.2023. godine

Poštovani,

Vašim aktom, broj i datum veze, dostavili ste Kantonalnoj upravi civilne zaštite Kantona Sarajevo zastupničku inicijativu koju je uputila zastupnica Admela Hodžić dana 19.12.2023. godine, i to:

„podnosim inicijativu Vladi Kantona Sarajevo i Kantonalnoj upravi civilne zaštite Kantona Sarajevo da se sredstva planirana u Budžetu Kantonalne uprave civilne zaštite Kantona Sarajevo za 2023. godinu, sa stavke 614300 – Tekući transferi neprofitnim organizacijama UAN004 Tekući transferi vatrogasnim društvima u iznosu od 200.000 KM isplati vatrogasnim društvima sa područja Kantona Sarajevo“.

ODGOVOR:

Kantonalna uprava civilne zaštite Kantona Sarajevo (u daljem tekstu: Uprava) kontinuirano provodi aktivnosti i mjere koje imaju za cilj osnaživanje cjelokupnog sistema zaštite od požara i vatrogastva. U vezi sa tim i predmetom zastupničke inicijative, a u cilju pronalaska najefikasnijeg i najtransparentnijeg, prvestveno zakonskog, načina finansiranja dobrovoljnih vatrogasnih društava, Uprava je aktom broj: 03-04-1900/21 od 07.12.2021. godine zatražila tumačenje odredbi koje se odnose na finansiranje dobrovoljnih vatrogasnih društava Zakona o zaštiti od požara i vatrogastvu (“Službene novine FBiH”, broj: 64/09) (u daljem tekstu: Zakon) od strane Federalne uprave civilne zaštite kao predlagača Zakona. Federalna uprava civilne zaštite je aktom broj: 08-02-2-463/21 od 15.12.2021. godine dostavila mišljenje u kojem između ostalog navodi: **“Značajan izvor njihovog finansiranja mogu biti i budžetska sredstva kantona, općine i grada. Ta sredstva se, po pravilu, obezbjeđuju za finansiranje projekata iz oblasti vatrogasne djelatnosti, koja predlože vatrogasna društva, a prihvati nadležni državni organ ili ako se ta društva uključe u realizaciju projekata iz oblasti vatrogasne djelatnosti koje predlože organi uprave civilne zaštite. Osnov za osiguranje budžetskih sredstava za djelatnost vatrogasnih društava moraju biti konkretni zadaci i projekti iz oblasti vatrogasne djelatnosti ili iz oblasti zaštite od požara, koji su Zakonom o zaštiti od požara stavljani u nadležnost vatrogasnih društava.”**

Uprava ističe da u proteklom vremenskom periodu nije dostavljen bilo kakav projekat od strane vatrogasnih društava sa svim potrebnim elementima (aktivnostima, zadacima, specifikacijom troškova i slično) na osnovu kojeg bi se mogla u skladu sa navedenim mišljenjem Federalne uprave civilne zaštite dodijeliti finasijska sredstva.

Također, Uprava ističe da je Vlada Kantona Sarajevo na 147. Vanrednoj sjednici održanoj dana 21.12.2021. godine donijela Odluku o davanju saglasnosti za dodjelu finasijskih sredstava općinama sa područja Kantona Sarajevo za potrebe vatrogasnih društava, broj: 02-04-47092-2/21. Navedenom Odlukom, data je saglasnost Upravi za dodjelu finasijskih sredstava općinama sa područja Kantona Sarajevo za potrebe vatrogasnih društava, u ukupnom iznosu od 480.000 KM, kako slijedi: 1. Općini Stari Grad za potrebe vatrogasnog društva „Vratnik“ u iznosu od 85.000 KM; 2. Općini Centar za potrebe vatrogasnog društva „Bjelave“ u iznosu od 40.000 KM; 3. Općini Novo Sarajevo za potrebe vatrogasnog društva „Novo Sarajevo 1934“ u iznosu od 55.000 KM; 4. Općini Novi Grad za potrebe vatrogasnog društva „Alipašin Most“ u iznosu od 20.000 KM; 5. Općini Ilidža za potrebe vatrogasnog društva „Ilidža“ u iznosu od 70.000 KM; 6. Općini Hadžići za potrebe vatrogasnog društva „Tračin“ u iznosu od 50.000 KM; 7. Općini Vogošća za potrebe vatrogasnog društva „Vogošća“ u iznosu od 110.000 KM; 8. Općini Trnovo za potrebe vatrogasnog društva „Trnovo“ u iznosu od 50.000 KM. Uprava je u skladu sa tačkom III Odluke o davanju saglasnosti za dodjelu finasijskih sredstava općinama sa područja Kantona Sarajevo za potrebe vatrogasnih društava dana 24.12.2021. godine zaključila pojedinačne sporazume sa općinama: Stari Grad, Centar, Novo Sarajevo, Ilidža, Hadžići, Vogošća i Trnovo i izvršila prenos istih dana 29.12.2021. godine. Sporazum sa Općinom Novi Grad Uprava nije potpisala iz razloga što Općina Novi Grad nije vatrogasno društvo „AlipašinMost“ proglasilo svojom službom zaštite i spašavanja. S obzirom da su sredstva na račune općina doznačena 29.12.2021. godine, Uprava je zaključila pojedinačne anekse sporazuma sa općinama kojima je određen novi rok za dostavljanje narativnog i finasijskog izvještaja do 31.12.2022. godine. Navedenim sporazumima i aneksima sporazuma općine su se obavezale, da će cjelokupan iznos finasijskih sredstava doznačiti vatrogasnim društvima za troškove projekata iz oblasti zaštite od požara, od čega će minimalno 70% odobrenih sredstava iskoristiti za projektne aktivnosti i maksimalno do 30% za administrativne troškove. U skladu sa aneksima sporazuma i novim rokom za dostavljanje narativnog i finasijskog izvještaja, pomenute izvještaje dostavile su sljedeće općine: - Općina Ilidža dana 30.12.2022. godine dostavila je akt – Izvještaj o namjenskom utrošku finasijskih sredstava vatrogasnog društva „Ilidža“, broj: 14-11-7182/3-21 od 31.12.2022. godine u iznosu od 17.134,18 KM. – Općina Centar dana 27.01.2023. godine dostavila je finasijski izvještaj vatrogasnog društva „Bjelave“ o utrošku sredstava u iznosu od 10.329,75 KM. - Općina Vogošća dana 31.12.2022. godine dostavila je Izvještaj o utrošku sredstava doznačenih vatrogasnom društvu „Vogošća“ u iznosu od 110.000 KM. – Općina Trnovo dana 06.01.2022. godine dostavila je Izvještaj o namjenskom utrošku sredstava dodijeljenih vatrogasnom društvu „Trnovo“ u iznosu od 50.000 KM (razlika sredstava za provođenje projekta u iznosu od 616,00 KM obezbjeđena iz sredstava vatrogasnog društva). - Općina Stari Grad dana 31.12.2022. godine dostavila je Izvještaj kojim pravda utrošak sredstava u iznosu od 84.599,06 KM za obavljanje osnovne djelatnosti vatrogasnog društva „Vratnik“. – Općina Hadžići dana 30.12.2022. godine dostavila je Izvještaj o namjenskom utrošku sredstava vatrogasnog društva „Tarčin“ u iznosu od 50.000,44 KM. - Općina Novo Sarajevo dana 29.12.2022. godine dostavila je akt – izvještaj kojim zahtjeva produženje roka za utrošak doznačenih sredstava do 31.12.2023. godine. S obzirom da općine: Stari Grad, Centar, Novo Sarajevo i Ilidža u svojim izvještajima o utrošku dodjeljenih sredstava nisu opravdale cjelokupan iznos dodjeljenih sredstava, Uprava je u skladu sa potpisanim sporazumima i aneksima sporazuma sa navedenim općinama dana 03.03.2023. godine uputila akte navedenim općinama za povrat sredstava koja nisu opravdana zaključno sa 31.12.2022. godine i to: - Obavijest Općini Stari Grad za povrat neutrošenog iznosa sredstava u iznosu od 400,94 KM; - Obavijest Općini Centar za povrat neutrošenog iznosa sredstava u iznosu od 29.670,25 KM; - Obavijest Općini Novo Sarajevo za povrat neutrošenog iznosa sredstava u iznosu od 55.000,00 KM; - Obavijest Općini Ilidža za povrat neutrošenog iznosa sredstava u iznosu od 52.865,82 KM. Iz izvještaja dostavljenog od strane Ministarstva finansija Kantona Sarajevo za uplate na vrstu prihoda 722719- Ostali povrati, vidljivo je da su povrat

Sredstava koja nisu opravdana zaključno sa 31.12.2022. godine izvršile: - Općina Stari Grad povrat neutrošenog iznosa sredstava u iznosu od 400,94 KM izvršila dana 14.03.2023. godine; - Općina Novo Sarajevo povrat neutrošenog iznosa sredstava u iznosu od 55.000,00 KM izvršila dana 13.03.2023. godine. - Općina Centar povrat neutrošenog iznosa sredstava u iznosu od 29.670,25 KM izvršila dana 04.04.2023. godine. - Općina Ilidža povrat neutrošenog iznosa sredstava u iznosu od 52.865,82 KM izvršila dana 28.04.2023. godine. Nakon što su pojedine općine dostavile konačne izvještaje definisane članom 4. sporazuma, direktor Kantonalne uprave civilne zaštite Kantona Sarajevo Rješenjem broj: 01-45-579/23 od 07.04.2023. godine, broj: 01-04-579-1/23 od 18.04.2023. godine i broj: 01-04-579-2/23 od 05.05.2023. godine imenovao je Komisiju za praćenje namjenskog utroška finansijskih sredstava dodjeljenih općinama sa područja Kantona Sarajevo za potrebe vatrogasnih društava (u daljem tekstu: Komisija). Nakon što je Komisija pregledala izvještaje koje su dostavile pojedine općine, ista je, između ostalog, u svom izvještaju navela da su vatrogasna dobrovoljna društva prije provođenja bilo kakvih aktivnosti trebala općinama dostaviti projekte na osnovu kojih bi se ta sredstva namjenski utrošila kako je planirano, te s obzirom da projekata iz dostavljene dokumentacije nema, Komisija nije mogla cijeliti opravdanost utrošenih sredstava odnosno cijeliti dostavljene izvještaje. Naime, cjelokupna dostavljena dokumentacija od strane općina: Stari Grad, Vogošća, Centar, Ilidža, Trnovo i Hadžići, a kojima su dodijeljena finansijska sredstva, ne sadrži akt/dokument sa naznakom „projekat“ ili slično, a iz kojeg bi bile vidljive konkretno planirane projektne aktivnosti, specifikacija troškova aktivnosti, vrijeme i mjesto održavanja projektnih aktivnosti, ciljana grupa na koju se projekat direktno odnosi odnosno grupa koja će imati sekundarnu korist od projektnih aktivnosti, kao i druge elemente koji bi predstavljali osnov za namjensko trošenje dodijeljenih sredstava. Napominjemo da su općine, u skladu sa potpisanim sporazumima i aneksima sporazuma, bile u obavezi da cjelokupne iznose dodijeljenih finansijskih sredstava doznače vatrogasnim društvima za troškove projekata iz oblasti zaštite od požara te da Upravi dostave finansijske i narativne izvještaje iz kojih je vidljiv namjenski utrošak istih.

U vezi sa prethodno navedenim, činjenica da značajna finansijska sredstva nisu opravdana, od presudnog je značaja za dodjeljivanje novih finansijskih sredstava dobrovoljnim vatrogasnim društvima.

Uprava ističe i to da su dobrovoljna vatrogasna društva proglašena za općinske službe civilne zaštite, te u vezi sa navedenim, općine su primarno dužne da vrše finansiranje istih, a što iste u određenoj mjeri i čine.

Također, u prethodnoj 2023. kalendarskoj godini, Uprava je sa velikim iznosom finansijskih sredstava izvršila opremanje općinskih struktura civilne zaštite odnosno na taj način i dobrovoljnih vatrogasnih društava kojima su nabavljena između ostalog motorna vozila i druga oprema u vrijednosti od nekoliko stotina hiljada konvertibilnih maraka.

Uprava je u prethodne dvije godine kontinuirano pokušavala predložiti Federalnoj upravi civilne zaštite kao predlagачu zakonskih i podzakonskih propisa u oblasti zaštite ljudi i materijalnih dobara od prirodnih i drugih nesreća i zaštite od požara i vatrogastva više načina za rješavanje mnogobrojnih problema koji se susreću u praksi, pa tako i izazova za finansiranje dobrovoljnih vatrogasnih društava međutim, od strane Federalne uprave civilne zaštite nije bilo adekvatnog odgovora na pravne izazove sa čijim bi se rješavanjem postigao značajan napredak između ostalog u oblasti zaštite od požara i vatrogastva. Također, Uprava će i dalje nastaviti sa pokušajima animiranja Federalne uprave civilne zaštite kao nadležnog organa za rješavanje značajnih problema i izazova u predmetnoj oblasti.

S poštovanjem,

Dostavljeno:

- Naslovu;

- a/a.

